

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華中地方·第二九號

據

清·楊宜崙修·夏之蓉等纂
清·嘉慶十八年馮馨等增修
清·道光二十五年范鳳諧等重校刊

影印

江蘇省

高郵州志



成文出版社有限公司印行

*65/07

17
58
48
180



10098249

中國方志叢書·華中地方·第二九號

據

清·楊宜崙修·夏之蓉等纂
清·嘉慶十八年馮馨等增修
清·道光二十五年范鳳諧等重校刊

影印

江蘇省

高郵州志



sk 6/07

成文出版社有限公司印行



中國方志叢書·華中地方·第一九號

據

清·楊宜崙修·夏之蓉等纂
清·嘉慶十八年馮馨等增修
清·道光二十五年范鳳諧等重校刊

影印

江蘇省

高郵州志



成文出版社有限公司印行



10098251

docsriver 文川网
入驻商家 古籍书城

在文川网搜索古籍书城 获取更多电子书

中華民國五十九年八月壹一版

高郵州志

全三冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

高郵州志

乾隆四十八年原修本嘉慶十
八年增修道光二十五年重鐫

學 版
書 藏
庫 儒

重栞高郵州志序

志亦史也省據郡郡據邑邑志所由重已道光甲辰
余調任揚河通判刺史范公已來牧高郵相與延訪
父老知州志舊簡毒燬於火范公語余曰是不可已
也其明年刺史范公謀諸邑人爲重鋳計則有邑舊
族王君賈君夏君起任其事鳩工庀材鋳依舊本用
有不足余復助之因得鐫成夫興舉廢墜官斯土者
之職也政教將施務悉利病掌錄皆師資也況河漕
今昔異同尤足以資攷證可聽其廢墜乎哉邑人於
重鋳將竣請序於余余以爲舊聞所繫當慎虔藏勿

復疎忽且勿負余與范公及諸君率作黽勉之意或
可備侏日輶軒之采云

欽加運同銜揚州府揚河通判太原張建勲序

重刊高郵州志序

秦郵爲江左名區余自嘉慶乙丑入都赴春官試道
出此邦卽知有文游臺蟹社湖諸勝境嗣以游宦江
南數數過此益知爲人文萃集之地然風帆來往未
嘗久淹風土人情識其大畧未獲考諸方策所存故
古今事蹟之傳不能徧觀而盡識也至道光甲辰仲
冬奉

命牧茲土下車之初采風謠訪利弊觀州志所載得
藉資炯鑒而與二三紳耆相見益徵老成之尙有典
型也志書脩於乾隆癸卯增修於嘉慶癸酉版藏

城隍神廟後樓因不慎燬於火亟思所以新之維時甫受代未遑興事乙巳夏政稍簡因謀諸邑中舊族衆皆不惜貲力踴躍鳩工而揚河通守張公建勳亦慨然其任其事乃取原書詳加校閱凡魯魚亥豕之訛悉訂正之以付剞劂夫亦曰有其舉之莫敢廢也由是歷秋冬而事乃成惟念神廟究非庋版之所復商之士紳與苒署牧左君輝春續增志版同藏學庫以昭慎重葺事後識其緣起弁諸簡端義例已載原書此次重鏤悉仍舊本故不贅及云

陞用河工同知高郵州知州南城范鳳諧序

增修高郵州志序

嘉慶十八年

知州

馮

馨

高郵爲古邗溝地秦屬九江郡立郵亭故稱秦郵自是或置縣或置軍或置府或置路明始爲州今因之其地襟帶淮海上應斗牛下受千七百一川之濁流旁通三十六諸湖之支派地瀕澤國水滌相仍凡建置河渠財賦漕運兵防屯田諸大政沿革廢置今昔不同故志其事也爲難舊志昉於宋淳熙間直齋書錄解題載有孫祖儀高郵志三卷續修十卷嘉定中汪綱再修惜其書不傳明正統成化二志亦無可攷後一修於隆慶六年再修於

國朝康熙十一年三修於雍正二年四修於乾隆四十八年距今又三十餘年矣其閒水利之通塞規制之興替政事之得失人民物產之盈虛消長復月異而歲不同况河工屢告

聖主宵旰憂勤時以良策詔臣下尤當敬謹記錄者嘉慶十三年七月余始蒞茲土于時河湖屢決民人凋敝有不可措持之勢明年十月山旰仁義智三壩過水馨立議堅守南關中新諸壩下流各州縣得免被淹 大憲韙之據實上

聞有

詔褒美馨

益自懼焉簿書之暇常取舊志繙閱竊以爲

增修之不可緩也至十六年春適馨以引

見入京遂屬署任懷寧丁君堂設局分纂未幾豐潤劉

君翰周踵至咸與有力於斯及馨回任後始與邑

中父老暨諸薦紳先生訪故實採遺文續於前志

之末凡五易寒暑而稿始定既定稿矣又屬金匱

錢君泳校刊成之夫以郡縣之有志也所以辨封

域紀政教識文物垂久遠也古者誦訓掌誦四方

之志以上于王王乃采風曰某治某邑某守之所

教養其遺澤未湮也某先賢之故居都人士聞風

而起也其前者淳朴而天時人事積孱有由也或
前者凋敝而後之振興鼓舞如斯也風俗人心將
於是乎在余不文賴諸君子羣勦纂輯舉此三十
年來建置河渠財賦漕運兵防屯田損益利敝一
日盡著于編俾來者有徵焉是則諸君子之功也
而余心滋慰矣刻旣成爰述崖略而爲之序

高郵州志原序

雍正二年

知州

張德盛

郡邑之有志與史家相表裏者也說者謂作史難作志較易子曰不然昔孫可之謂史才最難到司馬子長地位然以龍門之潔而叔皮猶有刊落不盡之譏況下焉者乎以是知作史之難也若夫志也者上紀天文下述地理中道人事且天地之氣運日新人事之增加日盛前者既往後者方來其間網羅放失補苴罅漏因以識諸無窮是作史固難作志亦正不易矣高郵志在明初遠莫可稽厥後一脩於隆慶六年一脩於

國朝康熙二十二年然新志僅存其板而字跡多殘
缺不完自是以後又四十餘年矣予戊戌歲來守
是邦越七載周覽其山川之靈秀熟悉其風土之
茂美與夫名人傑士忠孝節義之挺生時取州志
繙閱之洵所稱土厚水深彬彬文學之邦歟顧念
此四十年中廢興更置歲異月新其爲扶輿清淑
之氣所鍾家隋珠而戶荆玉有足供予之紀載者
曷可勝數而訪諸故老已不免所見異辭所聞又
異辭矣若不及時蒐輯將使後起者無所憑藉欲
以識諸無窮豈可得乎際茲時和歲稔四境輯寧

docsriver 文川网
入驻商家 古籍书城

在文川网搜索古籍书城 获取更多电子书

乃與儒學兩先生暨里中紳士商定重脩攷往跡
舉時事搜遺闡隱耳目爲勞閱八月編次成書付
工開梓因爲數語以弁其首余緬惟往古禹貢紀
田賦高下墳墟黎赤下至篠簜篋龜魚之屬周
禮職方載山藪川浸男女畜擾之繁班孟堅則詳
於政治風俗奢儉緩急之故凡此者紀乘之權輿
志必分類書之罔敢或遺後有博古之君子得是
編而潤色焉俾天爲加絢地爲加藻人事爲加焜
燿火龍黼黻煌煌筆端將繼司馬子長之後以仰
佐

盛朝國史之續或亦於茲有賴哉若謂是編也擅三
長具五例與史家相表裏焉則吾豈敢

又

學正

鄧紹煥

郵之有志由來舊矣前明季以迄

本朝增脩者至一且再卽自癸亥重脩後經今已四
十餘年舊板侵蝕磨滅幾於不可復識其卷帙間
有存者亦苦無完本夫秦郵路當孔道濱長湖通
漕運數十年滄桑陵谷物換星移更不可以無紀
藉非守是土者力任而纂輯之其奚以昭當時而
傳後世幸會川張公德盛來牧此一方民蒞任越

七載政通人和百廢具舉暇時嘗語余曰興利除
害以愛養斯民守令之事也脩廢舉墜昭示來茲
以永垂不朽亦司牧者之責也見郵志多殘缺遂
慨然以脩輯爲己任爰設局於學宮之尊經閣下
延王子曾祿張子夢鯉協力參訂命余董其事余
司鐸於茲廿載矣其風土人物雖未洞悉亦畧見
一斑敢以固陋辭哉用是偕二子不憚勤勞廣採
旁搜朝稽夕考絕不敢以私意附會其間因思張
公自蒞任以來其恩澤及民良法美意累紙難書
姑摭其大者而分類以附於後張公固辭不允余

應之曰公所行者皆實政也實政必書以示信也
且使後之覽是志者知某某爲某年之所創建也
某某爲某公之所留遺也以勵官箴而挽末俗豈
不偉然巨觀也哉書旣成張公爲之序余亦爲數
語以次其後蓋樂其舉之盛而事之相與有成也
於是乎書

又

訓導
汪士璜

古人論作史有三難曰才曰學曰識三者備而後
可以言史予謂三者固難而尤難者一出之以至
公之心蓋史所以傳信也一有顧忌而史僞矣一

有護惜而史僞矣一有阿曲而史又僞矣中懷顧
忌護惜阿曲之私則雖才學識之俱優適所以長
其浮夸而反足爲史累夫邑之有志猶國之有史
也然予謂作史固難而脩志尤難地不越比閭族
黨之近人不外羣萃州處之倫詩云維桑與梓必
恭敬止處桑梓之地而乃欲舉風俗之淳漓人物
之臧否政事之得失筆則筆削則削一出之以大
公無我之志而絕無顧忌護惜阿曲之私嗚呼難
矣雖然有其人則無難有其人而又有良司牧具
知人之明傾心而委任之則益無難郵故有志然

大都散軼字模糊不可識且數十年來風物變遷
互有得失苟弗輯而脩之其何以信今而傳後會
州牧張公德盛來守是邦七年之中政績彪炳郁
乎可觀復慨然以脩志爲己任曰是役也不可以
緩亟延王子曾祿張子夢鯉參互考訂而屬濠水
鄧君紹煥以董其成鄧君余同寅友也齒德並懋
又予父事師事者也王子張子亦好學深思士也
嗚呼可謂得其人矣可謂能知人能善任而難者
不難矣然鄧君猶以爲難謂予曰吾閱志中守是
邦者上下百餘年無出張公右如築城濬河脩學

諸大政炳炳烺烺昭如日星吾沒而不書吾弗忍
吾舉而悉書之得毋議吾爲諛乎予曰否否夫史
所以傳信也無其實而被以名者僞也有其實而
泯其名者亦僞也君無顧忌護惜阿曲之私而一
出之以大公無我之志又何恤乎人言鄧君曰唯
唯爰是與二子博稽遠討補苴張皇焚膏繼晷不
遺餘力自夏徂秋不數月而告成嗚呼又何其易
也豈非有其人則無難耶雖然吾不多躬其事者
之無負斯舉而深多乎良司牧之能知人善任也
爰載筆而爲之序

又

邑人 賈兆鳳

天下之可以傳世而行遠者曰政事曰文章漢時以吏事取人如龔黃卓魯之屬其政事彪炳史冊未嘗以文章顯也然其功德可被生民其流風餘韻可貽後世始旣不能泯里巷謳吟之口而學士文人閒筆而記之相與潤色以備輶軒之一助則文章政事固不必出於兩途也吾郵水旱頻仍饑饉屢告自會川張公來屢獲時和年豐之慶凡邑中興利除害諸事靡不舉行居無何郵人以脩志請公曰吾牧郵者也簿書錢穀兵農水旱吾職也

方孳孳焉隕越是懼而何暇復及史事乎請者曰
志乃邑之大典前有脩者今四十餘年矣其間宜
興宜革者幾何事原隰之遷移城郭之脩圯者幾
何地封疆大吏及賢有司之有功茲土沒而可祭
於社者幾何人賦役之宜增宜汰者幾何條端人
正士孝子順孫義夫節婦貞女淑媛之尤卓卓可
風勸者幾何家藝林文苑才人之著作有關地方
而且可以稱雄壇坫者幾何冊以公今日來蒞吾
郵卽云見而知之已不無傳信傳疑之憾而況代
遠人湮欲問其事而故老皆無在者可不惜哉且

公治郵之善政今雖記諸口碑後雖欲知之其孰從而知之然則郵志一書脩明而搜討之舍公其誰也公曰鋪張揚厲吾不敢也志邑人之善以傳於後則吾不敢辭乃總其大綱委兩學博董厥役而以秉筆之責屬之封翁王君西受廩庠張君汲三凡五閱月而書成公復捐貲二百餘兩授梓人鏤板焉噫公之理煩治劇旣恢恢乎游刃有餘矣而復留心於是書不可謂非大有造於郵者也後之人讀公之文章益以想見公之政事志傳而公亦傳矣予退老家居旣不能簪筆揚休以附

盛朝作者之後邑乘一事又聽其凋零殘缺於鄉邦
不無疚心焉而公乃毅然任爲已事以補予輩之
不逮寧不愧且喜而樂其成乎故重承公命而爲
序述其始末如此

五
三
二
一

月

十

docsriver 文川网
入驻商家 古籍书城

在文川网搜索古籍书城 获取更多电子书

重修高郵州志序

乾隆四十八年

知州

楊宜崙

志何昉乎昉於史史何難乎難於志蓋紀傳之體
祇隨事以行文志則田賦戶口食貨河渠之紛蹟
與一切禮樂刑兵諸制作之典要貫串掌故網羅
放失成一家言非大手筆不能矣輿地爲史志之
一後世專作地志又舉諸志而彙載其中體例尤
繁我

朝

欽定大清一統志誠百代之圭臬也其下各省各府皆得
有志至於一州隘矣然而前代志書如于欽齊乘

常璩華陽國志之類後人固据爲考證之資其小者如祥符莆田諸志以一縣之事而其書亦行於世識大識小孰非文獻之所徵與郵邑本淮南名區前代或置軍或置府

本朝隸諸揚郡實爲漕運要地又勢處窪下城南諸壩爲洪澤尾間其間舟車驛遞錢賦職役皆關治理而邑之名臣名儒奇節燾行後先相望皆不可以不志

宜崙

承乏於茲凡七年矣視事之始檢閱

雍正二年舊志卽思取其書而續輯之鹿鹿簿書未暇也壬寅春時和理平州之紳士適以茲來言